

思

益

堂

集

思益堂詩鈔卷三

長沙 周壽昌 自菴

柴市弔文信公。

七百餘年憾未終。昔痕如血映階紅。黃冠空說還鄉日。赤手難回倒海風。一代河山扶正氣。同時師友激孤忠。諸陵何處冬青老。點點棲鴉落照中。

劉諫議祠 昌平州。

霜鵬一擊破蒼冥。鴟餓徒誇腐鼠腥。風漢何心戀科第。中涓有力制朝廷。靈旗暮卷寒沙白。古屋煙霾老樹青。不用巫咸叩閭闔。唐宮禾黍讓芳馨。

病後夜坐聽雨。

伏日涼生肺病瘳。殘燈坐對紙窗幽。小樓聽雨剛宜夜。老樹吟風只當秋。一卷長看如故友。百端難解是離愁。青山

得往便須往何用君平卜去留

書張江陵傳後

相公禮數絕班聯生是升霄死墜淵博陸禍萌驂乘日元
成恩斷仆碑年曾無梁寶池臺盛並異京攸父子權弱主
衰朝中外肅千秋誰似濟時賢

最憐莊烈一朝臣五十人無此一人法禁貂璫嚴內侍令
馳羽檄靖邊塵微嫌儉遜公孫被未許人污丙相茵尚有
文孫死奇烈荆山桂嶺兩嶙峋

過崇效寺

石橋西轉梵王家畫壁摧頽棗樹斜元商喜畫壁紅杏青

松都化去寺舊有紅杏青松卷漁洋竹垞諸老題無人更

問鼠姑花

蟬

高潔誰知汝聲聲思故林疏風吹斷夢冷露咽秋心庭院
槐陰靜關河草色侵珥貂渾不戀吾意入山深

夜坐車歸爲蠍螫戲作。

南人惡聞蠍照壁見輒惱射影類短狐嘬膚擬陰蝮芒穎
匿轅隙一螫若毒蔽痛徹心與肺時在戌及卯凡蠍夜螫必雞鳴後
痛始滅恥被兒女嘲忍苦強言好忽念江南北殺賊事誅討
戈戟紛攢攢領項豈自保刮骨鏃乃拔截腸鬪益矯傾身
赴忠義百珍無挫撓澹定中不移疴痛淨若掃而云此么
膚遂足亂懷抱疑釋蛇影杯甘謝蚤齧草從來潛陰積毒
虐伏微渺舉足成冰淵毋忽蜂蠶小

雨後。

微雨滌煩熱殘陽生晚晴溼雲低鳥影高樹續蟬聲家遠
書遲到兵多賊未平東南好田畝幾處得安耕

秋遣。

勞勞車馬困塵容。野外幽尋愛遠峰。過雁留聲風力勁。病
花回豔露光濃。好游腰腳秋還健。失答書函久更慵。最喜
鱗肥兼菽放。直教吟賞到殘冬。

一官。

燕疾勞遲各有因。鶴長鳧短況難均。一官閒似居山隱。百
指艱於未仕貧。漱石何奇邊礪齒。望塵已愧肯呈身。幾時
許作湘漁長。便脫朝衫製釣緡。

孤雛。

越禽思南飛。空巢苦踟躕。層巖宿寒雲。拘繫同網罟。大風
折庭樹。巢墮無可居。中夜起傍徨。痛絕無母雛。朝嚙向日
昏。暮嚙到日晡。嚙聲慘天地。淚盡眼血枯。刀俎分所甘。遑
能惜微軀。柰此羽毛弱。歸巢阻長途。苦志弗我諒。骨肉同

路隅從來返哺樂啞啞羨慈烏此志一不償百年猶須臾
百年卽我留茹憾終不渝生當沒蓬蒿死當埋沙墟

次韻酬葉澗臣閣讀。

高歌望子眼猶青久旅難忘嶽麓庭時事艱難雙短劍天
涯朋舊幾飄萍疏狂祇合供長病濁醉何堪號獨醒徑欲
從君返湘漢故山猿鶴感凋零

秋風夜號夢朗垣三弟醒作長歌哭之。

我叔生三丈夫子汝年最稚才最美我弟小汝更一歲五
人少時同臥起伯氏作宰去西川仲氏宰鄂今三年南中
尙留我弟在獨我與汝同宦燕兄弟五人各鄉縣動輒十
年不相見喜汝奉母來京師後我兩年官翰院汝復改誦
城旦書槃槃才藝難發舒無端因友註吏議坐是數載無
遷除趨公勤瘁中鬱怫臣精銷亡臣力竭果然四十有一

齡一病沈絲身竟沒汝行純懿心慈良貌腴體壯神充強
汝死百思理不解再亡顏短天何常我宦中朝慮孤處得
汝相依若蛩駝十年情趣勝聯牀一死飄零嗟墜雨我始
哀聞母諱時星奔爲汝旋稽遲半年哭母又哭汝涉想使
我成狂癡汝母哭汝老眼花汝婦悲極慘自撾汝兒雖童
知暗泣兩稚惘惘猶尋耶汝兄汝弟傷異地我病目枯欲
無淚病起營歸百計艱飢驅冒暑馳征騎客夜蕭蕭風撼
林慟母思弟含哀音夢回椎枕淚成血兀坐吞聲獨痛心

書愁。

西風吹葉下林邱人始言愁我欲愁舊事同塵拈莫住華
年和淚落難收流離滿眼多迷戶烽火驚心倦倚樓村店
濁醪渾易醉繁霜如雪上吳鉤

除夜。

冉冉歲幾盡融融春暗生冰霜消萬戶燈火坐三更閒健
邀天厚榮枯視物平迎年別無祝每飯望休兵

閱故人自定遺集。

雲龍角逐互稱詩一例刪除意可知千里畏人吾豈敢百
年留憾爾何癡空傳式夢哀元伯臨卒日子夢其豈爲牙

絃輟子期島帳單寒忍忘念孝標遺論劇堪悲

李舜卿孝廉曾集二語見贈閒檢遺墨輒用泣然因

就其語綴成一詩悼之距君死且十年矣。

向誰灑此一腔血不合時宜滿肚皮肝膽甯忘兩言重死
生已隔十年期清詞絕代秦淮海狂醉當筵杜牧之今日
此才誰繼起不徒雞酒約生悲

雨霽得月。

春來一雨十日惡曖曖晚晴收夕陽棲鴉有影月初上落

花無聲。風自香。嵐氣墮杯吸。山綠樹陰搖。水籠煙黃。既佳
光景與不淺。老子聊爲年少狂。

夜坐攤書不寐賦此卻笑。

霜月夜已寂。丹黃心未疲。讀驚鄰寢夢。吟續舊游詩。柝誤
荒雞補燈昏。黠鼠窺手書。還兀坐自覺老夫癡。

湘竹怨。

南下瀟湘去無風。水自流聲聲。竹枝唱吹出。楚天秋。

舊鼓湘娥瑟。江天起怨歌。誰知竹上淚。今日已無多。

沿江竹成路。路盡是漁家。只有黃陵廟。春深更落花。

盼斷瀟湘水。蒼梧雲不歸。如何斑竹點。猶作鳳雙飛。淚竹

鳳眼
爲佳

次彭漁帆都轉文韻贈古香老人行卽以爲壽。古香
老人

余太夫人號著
有古香詩集

板輿好遂安仁願
咳黍吹笙調不孤
東下片帆煙水闊
一溪蒲葑浴春鳧

瑤池雲鶴從來去
仙侍惟攜萼綠華
莫爲滄桑感塵劫
碧桃三度快看花

檢錄家藏書籍得兩絕句。

黃金白璧付何誰
花木平泉好護持
等是癡情差不俗
秀才風味一經詒

巧偷豪奪笑吾徒
借去荊州索已無
誰念老夫耽結習
典裘雪夜了書逋

書王仲瞿煙霞萬古樓詩集後。

少哭憤王同杜默
先生下第歸集琵琶伎拜項王墓
晚攜仙眷住祇園
有佛

寺先生逐僧
出挈眷居之
琵琶響絕王郎老
斷碣誰題畫狀元
其夫人善

畫時呼畫狀元
先公數月卒

歌哭無端付越吟老顛風景裂雄心愛才誰似陳同甫苦
為焦桐覓賞音

陳雲伯刻
先生詩集

白徒

白徒結隊勢縱橫大帥師行竟請纓誰識凝之潛奉道早
知趙括喜談兵三年杼軸空皮骨一戰蟲沙濫死生今日
鼓鼙思正急可堪羊虎誤虛名

題李次雲郎中

家驊

鴛湖載月圖幃子

二十年前打棹游鴛鴦湖畔客中秋祇今怕照清波影我
與沙鷗兩白頭

馬背船昏月影孤此行重得訪西湖何時乞共郊邠隱更
寫東坡笠屐圖

閉門

自愧十時百不能閉門攤卷且瞢騰卷施合是無心草懶

笑許巢中買老策，嶄巖七尺藤。
一窗風雪短檠燈，青山

二月初十日長孫阿椿生。

乍聽英嘯喜欲顛，快開湯餅趁春筵。
一經傳德期他日，四十稱翁尚少年。
宴客無名翻借汝，十三日子初度即舍館以是日爲湯餅會
觸憾到終天。傳家尚有雙銀管，曾向雲階畫日鮮。

遣日

百端交集感茫茫，對酒短歌從慨慷。
除卻詩篇誰遣日，偶聽絲竹轉回腸。
清談禍孰推王衍，黨錮名幾累范滂。
舉目山河此風景，新亭一泣竟誰當。

鶴樓哀

仙人騎鶴高樓住，鶴逐雲飛不知處。
三度無端劫火燒，高樓亦化煙飛去。
慨從粵寇頓長沙，五道兵分鼠豕蛇。
重湖

久合擒楊太一水何緣縱呂嘉洞庭防撤江東走樓外雲

迷武昌柳黃巾鳴鏑射晴川青犢傳烽趨漢口溫溫常建

本書生常中丞開府平時亦有名妄冀孝經能退賊那堪

呂姥自提兵雪虐風饕指戈甲無光鼓聲死梯衝隧

掘激雷轟黑夜爭呼城破矣最憐馮衍遠持衡學使馮文

聞變先投古井清各效遠巡忠殉國自常中丞及司道絕

無均拍汙求榮城內七湖湖水闊塞谷填坑赴屠割自來

忠義楚風雄士女羞從草閒活猛虎磨牙總負嵎更營兔

窟指南都已闔皖水寒妖幟復聽金陵建賊旗賊去城空

鬼夜哭武昌旋報官軍復張紘假督別遷除張公亮基龔

遂乞身俄放逐龔中丞即時持節弔崇侯崇中丞白簡飛章又

見收

詔書特拜青文勝青中丞節度重開古鄂州軍饑援絕殃徒

眾拚死猶作山河重守土公然越境逃杜郵一賜誰冤慟

從此妖氛肆陸梁竟蟠江漢覬荆襄一任危樓騰禦綸驚

傳唳鶴震衡湘今代魏公會子固曾少司馬國藩詔開幕府潭州

駐屹然砥柱扼中流糾旅徵才竭運籌八面雄才羅七子

忠武塔齊布羅忠烈澤南楊提督載福彭臬一軍奇傑激

同仇馳兵大奏湘潭捷再戰巴陵掃殘葉將軍如舞士如

飛直奪武昌聲未歇就中忠孝李臨淮李方伯孟羣其父

縊及方伯首入城踰城哭父抱遺骸憾切桓溫仇竟殄面

抱父屍哭面如生承盧奕血親搢荆棘重芟狐兔奔歸然一樓江上存全軍

竟下江州去陶侃虛推列戟尊陶中丞江州圍賊城將墮

忽漫宵奔赤壁火戰艦倉皇迫上流全憑楊叢橫江鎖楊

督誰識援兵鷁退飛翻教揖盜入門歸堅城三次終巢賊

百雉增築高崔巍崔巍樓下波無際便是中丞埋骨地新

除制府別屯營壁上閒觀幾戰征敵境陸羊兵忽斂軍中
 牛李黨方爭幸值九江援賊斷更斷賊糧賊心亂漫擬陸
 張制兇逃祇思釜熟從魚爛依然賊颺棄城空遺燒更燭
 騰天紅滅陽一炬成焦土結綺千尋付晚虹三千年來此
 樓古殘灰慘作昆池舞人民城郭兩茫茫鶴儻歸來心更
 苦南行亦有岳陽樓閱盡興亡憾未休傷心黃鵠磯前水
 歷劫紅羊又幾秋

丙午丁未
為紅羊劫

雨中李相堂副將

輔朝

招飲五忠祠歸柬石雲

壞雲堆墨日不晝釀凍作勢鬱煙雲雨聲零零人語沈虛
 檐回風激奔溜輕雷殷麟歇復鳴入年兩月無幾晴手瘞
 肌粟苦行坐沉爾十萬隨征兵十年南方困豺虎長沙一
 隅差樂土祁寒儻妨年穀順事機豈但慮倉庾爾我招飲
 逢西平五忠祠前聽雨聲故入忠義各千古我輩肉食今

何成君聞我言屢搔首謂君毋語飲君酒乾坤旋斡會有
時所嗟春去將八九狂歌痛飲且盡歡古劍在腰杯在手
君勿酒悲醉亦作晴時禊游還汝偕冒雨蹋燈各歸去水
流漉漉泥滿街

書事。

相公東市朝衣日豈但君恩賜屬鏤一例文章厄魑魅幾
人風雨泣頭顱飛書永叔猶騰謗回馬知章任噪呼莫把
荒莊誣蕙苴卽時入議那能無

賊退示子弟。

昔聞賊來怯今聞賊來喜忠勇激成俗愚懦且憤起賊徒
數十萬長圍迫疆理叢伏邵州山密阻資江水我軍內外
攻併命聯臂指是日風雨合一步爭生死肘血鼓不絕淮
尺退毋咫尺首尾突前擊殺賊焚賊壘捷書到長沙歡笑動

閩里發匣撫長劒會用剗犀兕耿耿三尺光報國心未已
汝曹行勉旃努力振國恥

東南賊所陷膽破無全魂拒賊必死賊從賊卽死軍性命
苦束縛何處呼煩冤我曹居此閒眠食安朝昏游眺適園
野觴豆權明親身踐不知樂毫髮皆天恩矧我先世來蹈
詠二百年代耕忝分祿父叔連諸昆兒輩入庠序衣冠異
齊民國恥卽家仇成敗關吾身憤將率諸子橫戈掃煙塵
韓范雖有屬忠義要自存誓不並賊活投軀答

皇仁

病起微瘦述感。

好春半月廢遨嬉又著微霜點鬢絲富老何緣比貧少高
邱詩富老不如貧少瘦狂或且勝肥癡體經小病從加慎心養餘閒
當自醫只有肚懷贏殺賊軍前猶可一舉旗

偶書。

稽康疏懶步兵狂束縛從來與世忘四十年中百憂患三
千界裏一毫芒角憑蝸寄分蠻觸腹任蟬飢謝蛄蛭飽飯
讀書吾計得不須秋水悟濠梁

胡恕堂中丞聽禪圖。

粵秀峰頭妖霧橫先生到日機槍平西子湖頭秋月皎先
生去後烽煙擾一去一來何因緣是有妙法非言詮心慈
合造人閒福量大能超劫外天天台一萬八千丈飛仙往
往凌風上忽從古德證三生俯瞰塵寰空萬象魚山梵唄
幾由旬白足歷見宰官身手持龍節敷靈雨活物豈數恆
沙塵修羅不熱青蓮火小歇津梁參佛果根芽悟徹去來
今丹青妙寫人天我我昔問絹之江淮石梁曾訪赤城霞
披圖願附聽經座笑摘靈山一瓣花

思益堂詩鈔卷四

長沙 周壽昌 自註

瀏陽舟中。

水勢分流曲更歧。一江秋老門清奇。林稀石露疑僧立。帆
正風微覺岸移。硯篋積塵容僕懶。絲竿營釣縱兒嬉。水車
連路驚雷雨。兩不減觀濤八月時。


秋泊。

渺渺煙波疊疊愁。飄然一葉蕩中流。湘江老得秋如許。不
許蘆花不白頭。

泊白家山。

壞雲如墨壓溪灣。灘走雷聲去不還。已過重陽苦離別。孤
篷聽雨白家山。

書陳生半山草堂冊後



湘西我亦有青山廿載征輪苦未閒報國心孤書屢上吟
詩才短橐重剛煙霞入癖營生嬾猿鶴驚秋盼客還北郭
堂成君計早雲巒他日得尋攀

由劉陽至江西道中。

津梁疲已久此地又停車酒白不成醉草黃微綴花橫山
開驛道盡樹得人家秋水鄱湖闊長天指暮霞

袁州夜賦。

夜靜荒原嘯碧燐犬聲如豹怒狺狺高門廢壘都成冢老
樹空腔半作薪戶外已多新死鬼夢中猶有望歸人倚闌
怕指招搖動獨立閒階月似銀

樟樹鎮爲王文成誓師地。

倉皇聞難卽傳烽此老平時甲在胸帝號狂呼李天下朝
恩幾領觀軍容籌兵早扼中流勝辭寵潛推彼狡鋒近地

干戈苦連歲有誰心學繼高蹤

舟中雜詠

風捲濤驅響怒雷輕舟簸蕩似浮杯
顛危世味經嘗慣細數平生又一回

狼胡跋扈憾何存如此風波亦慘魂
記得忠宣曾有語者番休更怨章惇

幾多冬暖醉紅樓亦有田家白酒甌
愧煞飢驅當歲暮浪花如雪打孤舟

泛宅扁舟抱膝安孤篷課子一燈殘
圍爐楫拙騰騰暖猶勝南軍鐵甲寒

江右除夕。

身似飛星歷歲周乍停雲影又南州
寄家書待新年發餞臘歌聽隔舍謳
地主招邀徐孺榻天涯棲託仲宣樓
客中

一事蕭閒甚剝啄曾無索債愁

豈有劉寬御物慈卻慚舊僕話恩私才非穎士偏生戀米
異胡奴大可炊客久故交成骨肉情深片語動心脾年來
總覺人情厚平等相看未是癡

客途祭竈少黃羊也備春盤供客觴占鏡妾欣聞語吉擘
箋兒學祭詩忙誤書默校添清課細柏頻燒得異香勸學
城南吾亦爛膝前依倚慰他鄉

朝回侍宴望觚棱誰料干戈十載仍殺運太奇天亦悔人
心可用賊何能脂膏竭賦傷郊鼠口舌甄才歎棘蠅終恃
聖明回末劫快看郭李贊中興

喜晤李芋仙大令。

謫仙去後誰敢狂君狂更比仙才長十年京國困詩酒才
名與狂相頽頽天生才大任必大不令奇伸便奇挫絆驂

繼驥天何心成就英雄歷寒餓章江廬阜山水雄古賢往
往遊其中才人神變不可測淵雲轉手爲黃翼我遊江西
君豈料叩門我亦驚君到別後滄桑那忍論握手悲吟雜
歎笑樊籠頗鬱鸞鳳姿一官笑汝狂非宜酒酣故態時復
作雙目電閃聲雷馳君才慎勿輕百里活民尙賴此官耳
萬戶常將性命聯一方頓使瘡痍起卽時狐兔潛蒿萊鄱
湖西望尤可哀寶刀殺賊盾草檄君乎豈是書生才

李芋仙大令招飲門前有老姬彈琵琶詢之則秦淮
舊院中人逃寇難來江西者也

十載江南痛枕戈尊前話舊酒如波那堪夜雨瀟瀟曲白
髮吳娘掩淚歌

胡烈婦詩爲胡雲泉二尹注作

烈婦死殉夫一死願乃塞城完婦獨死生者悔何極婦獨

月全堂言金 卷四 三
慨曰。毋吾死。幸不虛地下。吾且樂吾。以從吾姑。繞膝雙女。
嬰牽母啼。呱呱忍淚。強揮手騎鶴雲中。驅賢雄秉義心鬱。
紆終身不雙報泉途。嗚乎忠孝何必分智愚。一諾在心死。
不渝城存與亡。非所圖。節義鼎重身能扶。卽今綽楔標里。
閭期頤雖壽誰則如。婦氏周商。城居十八。嫁湘潭。胡厥名。
淫乃其夫。歲壬子九月。殂其年二十三。有餘我爲史官直。
筆書千秋女重光。董狐。

不寐。

清宵敲枕不成眠。重起攤書坐曉天。去住無憑心撞鹿。虛。
空作響耳鳴蟬。淨揩塵鏡思逃俗。動觸風旛漸悟禪。一。
例模糊誇竹帛。荒雞勞汝勸先鞭。

書王窗山大令志隱堂詩集。

綠雪堂前稟酣吟已十年。奇才推玉局。此集又斜川月朗。

高秋迴花飛老樹妍清門詩骨健循吏亦家傳

老輩浮溪叟

謂汪孟榮年丈

論才最爾先果然詩當史真有筆如

椽白傅新豐詠杜陵諸將篇平生忠愛感字字極纏綿

客中初度書感兼柬李芋仙解讓泉揚素園三大令

一春風暖百花天我比花生兩日先慣別家鄉成浪子怕

聞絲竹近中年癡兒曠客燒燭病妾貽釵質酒錢也算

歡筵一番聚黃雞催唱儘流連

故人憐我癖耽書似饋貧糧各贈予

芋仙二俱各以書贈
黼堂廉訪是日適送

部書一有定不須嘲蝠燕無功只合注蟲魚史家筆儻分千

古絕代才偏聚一廬除御韓碑待濡染更思封禪草相如

殘冬小住又深春經得風霜是此身異地兵戈消息幻老

年朋舊客途親浮家何處成安土行路常思避要人笑我

昨非知尙早祇存面目本來真

廿載名場立腳牢太行山勢海門濤誇隨名至何容悔才
較情多亦自豪曲突徙薪傷往事畊田識字勸兒曹休兵
便是延年祝歸老江村曳布袍

送何廉舫同年出守吉安。

男兒作氣雲雷驅無端束縛成豎儒十年濫吹齊廷竽尺
寸不展遊江湖掛帆千里來洪都寒年瑟縮潛蒲菰何君
高義天下無一聞我至心驩娛衡宇相望招我居別後蹤
跡言欲獻自出京國縮虎符誓挽剗傲拯凋枯是時建昌
極危區君來輯撫民氣蘇乘墉屢卻驚夔麴厲行選士親
援枹他營潰敗誰稽誅燎原火遂殃池魚平時節義型妻
孥慷慨蹈刃矢不渝身獨不死天所扶大任終畀生安逋
了微幻妄歸空虛吾心豈復生死拘奇氣奮薄鬱不舒詩
歌萬首成須臾筆鋒所到凌歐虞以頭濡墨乘醉書大聲

擊缶謠嗚嗚君吟我和听及脯吉州勢扼東南隅寇難南
息民瘠痛他人目憚行次且君獨投袂起曰吁吾其往矣
何疑乎扶傾起瘵匪異趨以法部勒謀無疏我民可民廬
可廬氣脈聯貫心膂孚如臂使指指及膚戈矛弩鏃米粟
芻有所應有無不儲從來忠義激懦愚以身先士人疑迂
軍聲大振民驩呼爭取金印殺賊奴咄哉蟲豸何黷黷得
不匿跡逃威弧我聞君語心膽躍豪氣躍躍生眉鬢君南
我北快首途稍存前卻真非夫龔黃裴李君能模速雪國
恥伸王鈇刻畫金石臣所須韓碑他日言非諛功成幸及
年未徂拂衣歸去賦遂初買山結茅君與子問奇載酒歡
有餘畊田課子勤擾鋤有山足樵水足漁兩人合寫漁樵

圖

題舊帖四首

裏瓊北去重瑤瓊五字完殘入眼明唐刻辭臨須辨識莫

將定武誤題名

有謂唐本在定武者宜謂為唐刻本辭氏重模者始可謂之定武本

蘭亭書聖醉中豪重寫終輸九仞高唐刻宋臨千百本一

無鱗角萬牛毛

右定武蘭亭

護持在處物能神劍氣甯埋獄底塵可惜延平終化去世

間無處覓龍身

右初上本

永師萬本毫端禿此較千文又典型虎臥龍跳宗法遠更

超四十五蘭亭

右永師臨本

贈李少荃同年

鴻章

即以留別。

腐儒矻矻搜窮編一字當幾青銅錢縛雞無力坐自困長

安笑倒諸少年李君磊落人中仙同我昔踏槐黃天籟足

直到金鬣頂君家供奉攀青蓮蓬萊久居忽不樂素衣緇

染難重鮮功業不立髀肉滿坐令歲月虛流遷潢池盜弄

歲已久此輩得不煩戈鋌匹馬南去往殺賊兇豸且復生
貂蟬南豐夫子今韓范奇才輻輳羅戎旃昌黎載筆裴相
幕永叔得句思公筵忠義敵勗互水乳要以大力回坤乾
有時擐旗摩寇壘獨力跳出將卒先日三百里走追賊勁
捷直可超烏鳶亦或草檄出旁午上澤民隱交敷宣一日
百札何足數飛書俄頃盈千篇似君出處徵幹濟愧我竄
伏寒江邊遇君話舊屢晨夕肝膽披豁金石堅知我逢世
苦柄鑿憾不援手籌安全徵清世宙得公等我卽鈍拙歸
林泉此別恥作兒女泣醉後一語應听然曾公載髯藐衰
鄂子亦玉立規許燕奇姿天稟終不負紫光會卽圖凌烟
老僕行戲和黃少鐵同年大令。

不見涪陵老子十五年重逢各訝霜盈顛衷腸萬結噤未
吐案頭示我老僕篇篇中諸老寫橫恣坡老奇文出遊戲

寂寞千秋萬歲名爭向庸奴爭位置老農老圃吾不如大
老之老天下無憤樂何知老將至君稱老僕胡爲乎君冠
儒冠服儒服悉數難終語更僕砥礪曾推席有珍澡浴何
殊玉韞匱論文君更雄其曹慣驅虎僕摧賢豪羊欣書豈
婢學古李賀詩且奴命騷自來楊侯名以樓船重衛青忍
抱人奴勸提刀人是真英雄牧豕傭爲國梁棟何況千古
臣僕無異稱侍御僕從以正名僕射從隋繫元輔僕正自
周爲罔卿君名宰官名進士輝炮翟閭從所使臣今老矣
憂患餘笑視輿臺平等耳吾心各抱主人翁孤臣報國心
尤雄軍旅事雖老者後且以文字回頽風攘攘兵戈歷年
載文章一脈晦真宰蕪詞穢我弋虛浮出主入奴迷定在
此道非小運會存力培元氣一根源坐擁皋比遊賴水俎
且六藝醇乎醇振槁發蒙厚一祇豈但折角奪席詞紛綸

寒宵吟君老僕篇爲君戲作老僕詮君將大噤吾皇然牛
馬走慚身備員今乃僕僕江湖邊何時誅茅共一廛白首
矻矻窮丹鉛君其往矣吾執鞭

題李小寶印譜

陽冰直接相斯傳誰似君家宗派先漢白秦朱嚴格律蠹
魚須辨野狐禪

端居室裏印蟠蚪萬軸牙籤老鄴侯鄴侯有端居室印此
後世齋亭刻印之始
我亦寶唐新建閣勞君篆出小螭頭

書留滌笙制府論詩卷後

力追北海神山谷字字論詩妙指揮想見羽書馳捷夜掀
髯一笑筆如飛

南康次書所見

荒村寥落屢經兵塞徑遺骸積石平燐火夜深爭路出血

花雨後雜苔生。忍聞中澤翔。磬雁頗慮潛。波縱舞鯨欲。向宮亭乞如願。願傾湖水洗機槍。

幼婢一首示家人。

世亂生何益。雖鬢倍可憐。餓形猶在面。短髮僅垂肩。呼婢聲遲答。思家淚暗漣。倚嬌聽夢語。猶認傍娘眠。

元日題仇十洲畫汾陽全福圖卷。

古有伊周匹。公將日月扶。四朝隆將相。百戰耀眉鬚。天錫全家福。人傳七夕圖。仇璋真善畫。畫出赤心無。

姬人種秋海棠一盆護惜甚至書此示感。

柔枝掩冉護芳叢。露晚花開綴小紅。我亦江湖成白首。爲君酌酒向西風。

長安歲歲餞春回。爛熳花前數舉杯。問訊花之寺中樹。開時可憶故人來。

同治元年予寓漢川官舍治廢圃種花邑人士羣以
花來乞書不數日紅紫滿園頗堪游目因命之曰換
花書以一絕紀之

換鶯書後換羊來韻事流傳亦快哉我較古人差蘊藉十
行錦字換花栽

病起園中小眺。

年年一病約秋來健起看雲眼倦開骨肉偶成歧路聚鬢
毛已自早年衰閒雞每下傷時淚選駿甯無濟世才未必
蒼蒼此終醉快看甲子一元回

讀讀評詩味正酣偶懷月食卻增慚癖耽書卷生何濟見
掃腥羶死亦甘移石補牆成別徑將花換字作新談卷簾
江色圓如帶日夕煙波送遠嵐

寓公。

小住荒畦笑寓公補蕉移竹傍牆東屢經晴雨諳花性自
濬溝塍試水功客思漸如南去燕音書久滯北來鴻壯心
已作寒灰死殺賊猶能挽石弓

送王子章大令之院兼以書感

曾聽王郎斫地歌頴濱風節似東坡謂哲兄子壽辟除典重唐
軍府孝弟名登漢特科君舉孝廉方正早歲神交聯舊雨
危時高論瀉長河皖江山色青如昔快埽煙霾起澗阿
世途荆棘競吹毛積毀三年苦莫逃剗迹無方慚霧豹罵
人何術禁山羔周南留滯情多感薊北馳驅夢亦勞獨荷
名賢知不恨勉堅晚節勵冰操

山行

山行忘近遠隨意得幽尋巖溜活枯澗野煙生夕陰疏鐘
落何寺新月上孤岑偶就鄰翁話忘機悟道心

鬼女行爲梁刺史月坡元珠作

天道何茫茫天高不尺五鬼神何昧昧鬼雜與人處九天
埋冤地理苦人不能言鬼能語君不見鶴峰州于氏婦吳
氏女一解女七歲適于門女幼何所恃恃翁姑慈且仁彼婦
肆長舌構惡辭翩翩是姑親生女黑白亂聽聞夜爨嫌米
饑朝汲嫌水渾從此十二年干楚萬毒使女含淚不敢吞
女身敢恨姑恨女命不辰二解貧女作貧婦不見釵與鈿忽
見一銅簪誰擲大道邊拾此銅簪歸女命遂不延斬不與
小姑小姑氣怒填既誓且箠折兩肩奮鉏一擊頂血鮮長
繩勒女項詭作縊女懸嗚呼此銅簪促女歸黃泉三解六月
至七月兩月冤且沈州城至陽河兩地殊阻深達官何自
來安輿做重幃幃前兩鬢導傳是使君臨女母及女姊寡
弱遭欺侵有媵未敢訴有口言如暗女雌鬼獨雄鬼語驚

人心身是女姊身音是死女音醜醜附語陰森森向官白
冤狀歷歷語可尋四八月十六日使君坐堂皇縱觀萬指
如堵牆忽然風起坐後雷聲走礮礮有女披髮顯復藏吏
卒駭見走且僵女憑女姊聲琅琅歷述慘死冤殊常平時
酷虐難具詳惟有鐵鉗換指捶欲碎至今雖死奇痛猶牽
腸是時堂上堂下觀者淚下千行萬行五剖棺尸見人悲
鬼怨鋤痕在頂血痕在面慘苦顏如生暍暑體不變鋒殞
殘骸鐵未消血污遊魂衣尚綻萬口同聲一言定讞惡婦
伏歐刀惡黨嚴責譴女伏地謝使君使君之賢人鬼各欽
羨更乞移葬歸吳瑩夫門斷絕女何戀六噓噫嘻人有虛
生死定無虛理何必強魂殺魄能為厲彼于氏者弱女耳
慎勿救生不恤死生不滿百年死日無窮已地上可倖生
地下誰爾庇我歌敬告百君子是在咸豐戊午年斷此獄

者梁刺史。

武昌城樓書感。

如此河山如此秋。西風吹雨打磯頭。鯨鱗炫采橫江艦。蜃沫遺腥結海樓。被髮有人傷野祭。投竿無地著漁謳。昔年此最遊踪勝。廢礎寒煙老鶴愁。

漢江道中。

漢江留滯又經旬。雨雪難紓客路貧。檢歷始知春隔嶽。用兵且喜賊無人。豈應文字生憂患。每藉雲山慰苦辛。去去莫辭京洛遠。初衣已積廿年塵。

題趙文敏公畫像後。

玉貌摹神手銀光。照瑋姿一門。妻子弟三絕。畫書詩骨相。驚龍種經綸。掩鳳池陳疇。曾寫照宗社。寄遐思。

公有武昌王訪範圖

彝齋寶襖帖身後悅生鐫。那有弁山謔。翻從至正年。奇材

將禰薦野語笑齊傳一例蚍蜉撼公聞亦喟然趙子固為秋壑幕客死於寶慶二年秋壑始得其落水蘭亭本重鑑之乃元人姚桐壽樂郊私語妄謂松雪入元後見子固子固有弁山笠澤之問後人竟逆為典故殊可笑也

題周文矩嬰戲圖和錢雪翁原韻。

不拍銀盤弄化生嬰媿戲浴寄閒情剖瓜若試昭容手何減唐宮玉尺評

縑素雖殘態若生明眸善睐別含情膚圓嫩嫩無纏束恰為昇元定史評

戲題所畫水仙扇面。

白石清泉一曲歌似聞環佩下湘娥楚江風靜月將曉取較西湖粉本多

江城消夏雜詠。

階前曲巷樹陰濃安置匡牀地半弓快意眼前兼領取景

無蚊處最多風

狂風吹雨湧江流捲地奔濤勢未休只有方塘水清淺更無驚浪到閒鷗

老弟霜華漸似兄納涼情話坐深更他生縱結因難必且盡團圓樂此生

痛折瑤琴不忍彈強呼兒女話團圓家書每發長沙去錯記閨中帶病看

謝公有女勝諸郎滴露朝朝漬墨香扇席驅蚊纔歇手替爺臨補十三行

傍膝雖係解勸餐梅梨堆案試甜酸憐渠亦識林泉樂日向翁翁紫畫看

風來日午氣熊熊畏日兼愁月影烘到夜疏簾忙捲起不嫌遮月怕遮風

金題玉躐古香披鎮日丹黃暑不辭誰畫誰書誰甲乙侍
兒聽慣也能知

漫說劉裒畫北風丹青誰信奪天工雪山昨展營邱卷忽
覺層冰貯室中

友貽古帖趁涼摹兒購奇書問業劬如此飄零亦清福只
慚無用豢頑軀

鸚鵡眼明揩古硯鷓鴣斑細蒸沈香晡時臨帖晨臨畫都
是先生卻暑方

後湖藕嫩露零初襄郡瓜甜蜜不如流水桃花鱖尤美年
時飽食武昌魚

幾卷唐詩上口吟晚涼更取仿書臨姬人長日排清課觸
我兒時上學心

庭陰積翠似浮波睡起藤牀日影殘不愛請人無客到只

除明月夜來過

阿瑞書將急就摹此才頗覺女中無老夫書法誰傳得傳
與雙雙不櫛儒

高張火繖仰騎陽一夜西風忽作狂甫著輕紗旋換衿人
心真不耐炎涼

樹陰淪茗嫩涼生薄汗猶嫌暑未清可念火雲蒸日午隴
頭農與陣前兵

阿玉書來發禮陽旋聞衝暑返清湘無多骨月三方別縱
不聽猿也斷腸

京邸持門小婦賢望夫終日淚漣然階前草色知深淺不
到中庭已七年

攤書微倦雨聲涼一覺窗前又夕陽睡起夢回成獨笑幾
忘身是客何鄉

何物

何物鴉聲並鵲聲。人間憂喜若干卿。讓他鳩唱田間樂。不話穢祥話雨晴。

苦熱不寐戲成一律。

到晚炎威熱。尙存層冰踏脚快。何言風藏樹裏聲。如噤月照窗前影。覺溫卻想林泉披古畫。極知霜雪是奇恩。憐他鳥亦棲難隱。靜夜驚飛噪隔村。

晏起。

連朝晏起復科頭。喜瀾新茶自滌甌。屋傍山間常帶潤。風來桐下早疑秋。壺盧只合供長柄。寶劍從教繫蒯緱。聞說桃源在人世。便從漁父覓扁舟。

漢川舟中送大兒潤蕃回武昌卽之岐亭軍幕。

我北爾南去。一家如燕鴻。無多尋客路。已老別離中。世亂

誰安土時危慎此躬寒風催一棹送汝漢江東
汝母哀先逝吾衰感易傷灌園誰共隱種菊歎全荒老馬
疲岡嶺飢烏困稻梁平生憂國意望汝力戎行

寄小樓弟武昌巖中丞軍幕

一舸送君返縱歸非故鄉客途聊共被雪夜記聯牀近說
還湘浦何時發武昌莫疏書札寄時有北鴻翔
記室軍諮重中丞禮數寬獻言容汲直得句賞郊寒古道
謀身拙孤情悅世難耦耕時爾望衡嶽足雲巒

雪後晏起偶占

篷窗晝閉失昏朝睡起攤書百慮消鑪火宿溫瓶不凍岸
波流活柁還搖占年預喜遺蝗絕破賊懸知戰馬驕劇有
豪情攜蠟屐萬山高處踏瓊瑤

冬日鄂州道中

急景凋年過郢城，簷冰如溜墮階鳴。
飢鳥樹頂衝煙出，細草牆腰背雪生。
桴鼓夜喧農閉戶，招搖西指客談兵。
桃源近在湘中路，悔未求田事耦耕。

月夜登安陽署中小阜

秋容初洗月如銀，獨立蒼茫忽此身。
小阜聳凌孤鶴背，人家低蹙萬魚鱗。
村雞得照爭鳴早，鄰笛因風譜怨新。
車馬勞勞莫相笑，居然今夕一閒人。

途閒棉花盛開黃紫可玩

晚含微露垂金盞，曉裊衰暄風綴紫。
纓蘭蕙香濃桃李，豔論功輸汝被蒼生。

白溝河懷古。

趙家剝業截洪流，白浪橫天此一溝。
南戒河山揮玉斧，北門鎖鑰重金甌。
羣雄執挺隨降長，十國分茅拜徹侯。
咫尺

燕雲衣帶水獨容新睡失孫謀

燕子高飛出帝京金戈猶激怒濤鳴周公未動風雲警元
武終慚骨月爭一渡遂收淮泗業廿年重啟樂安兵鄱陽
捷後同茲捷銷盡興亡此浪聲

道中書所見

蕎麥花開似雪飛一灣流水鴨兒肥禾場埽淨耒聲息晚
飯呼童叱犢歸

兒童拾穗夕陽天老樹垂陰古廟前清磬一聲車馬歇道
人持鉢乞茶錢

重遊大佛寺。

不踏松關二十秋重看壯麗聳山樓莊嚴龍象天曾笑塵
劫蟲沙佛亦愁訪舊已無僧伴識寫經空想墨痕留庭前
古樹應知我年少狂生已白頭

秋懷。

寒風一夕滿燕關。庭院蕭蕭落木間。
短角驚沙迷北磧。疏鐘催月下西山。
十年苦戰消餘劫。一劍悲吟拭舊斑。
欲訪荆高更何處。曹蜍李志自人間。

擬唐人宮怨。

記從芳殿侍瓊筵。永巷香沈十五年。
賣賦金多恩漸轉。回文織就意生憐。
幾時焚蕙來芝歎。一霎飛花讓柳妍。
依舊水精簾下立。薄雲虛掩蔚藍天。

幾多朱頂鶴翎肥。無數東南孔雀飛。
紈扇獨成捐棄感。珍珠忍慰寂寥稀。
也知饒婦隴耕樂。奈入深宮少路歸。
白髮蕭蕭上陽老。枉拋紅淚溼君衣。

武皇曾許從君興。辭輦重遊意已疏。
邢尹去來常自避。燕環肥瘦定誰如。
尚容西苑修彤史。日向東門走鈿車。
長信

昭陽無限事不辭繡盡上清書

少日雲鬢賜上頭內家名字冠珠樓畫眉空惹修蛾妬擁
髻翻成墮馬愁苑月孤圓於肯格佛鎧清懺當焚脩春風
莫訴嬋娟誤會盼蓬山頂上遊

小遊仙詩仿曹唐

五百華年彈指過風輪火扇日交磨閣浮提外脩羅業便
到神仙劫更多

王母西池校列真上元陪宴御丹宸雙成弄玉親承旨手
捧瑤函授近臣

獻賦神霄日未哺馬遲枚速費工夫七籤雲笈標題異可
有人間宿構無

臺閣文章燦斗躔天樞別樣定衡銓華陽未合山林隱勅
作蓬萊二等仙

五雲詔下鳳翎排。小字書名綴玉牌。三十六天分位業。一齊俯首聽遷階。

真誥旋頒十賚文。謝恩拜賜盡欣欣。吳綾越綺休誇豔。鸞鳳新蟠百縷紋。

一樣靈脩果未成。鐫名猶許傍瑤京。王喬豈是無才思。直爲塵痾謫上清。

苦鍊還丹未可憑。忽傳金詔許飛騰。吹簫子晉猶多事。但馭罡輪便上昇。

聞從弟季長陷沒於蘭州哭之。

從弟存汝一傷心。成國殤魂隨湘月返。骨化隴塵香壯歲。棄妻子孱軀委虎狼。鬼雄知自奮。終不悔沙場。

春郊卽目。

東風作意蕩春聲。草色沿階綠漸平。雙燕舞風閒白晝。一

鳩啼雨近清明金尊買醉登燕市玉勒輕馳傍禁城最是
郊原行樂處邨邨叱犢快催耕

物理。

萬果無因肯作緣細詳物理悟推遷火從木出能焚木雲
自天生竟蔽天槐上蟻爭成兩國棘端猴刻費三年麝塵
散盡香難滅欲爲蒙莊續外篇

過張春皆給諫見示近作卽次其韻。

杜牧平生悔非言肯將瓦注換金尊十年戎馬驚消息千
里雲山役夢魂鄰院煙鐘流斷響隔宵鑪火撥餘溫閒閒
十畝從君賦歸隱三家碌碌邨

感君藥石納芻言剪燭論文共一尊閒養微疴刪俗慮夢
尋佳句慰吟魂移盆護菊防霜損汲水煎茶試火溫玉燮
金題堆滿案可將遺錄補江邨

勝芳女兒詞。

郎車北來塵漲天郎馬東行風捲煙此地無車又無馬接
郎船是送郎船

勝芳女兒嬌如花只選郎君不問家七十二沽同入海出
門流卽到天涯

女兒家傍打魚舟女兒家居水上樓一水夾街樓隔岸曉
窗相對看梳頭

曉起歸宵淡點妝夕陽還舍理羹湯橋頭柳眼真無賴日
日送迎新嫁娘其俗女子新嫁一月內曉歸母舍夕返夫
家道不通車馬往來步行俱過橋上別無

他

十三女兒髮垂肩隨翁曬網夕陽天撈蝦釣鯉無他事一

帶人家水作田

種蓮插藕水拖藍淺處蓮舟泊兩三到得荷花生日日女

兒妝飾似江南

鄰舟女伴約春嬉。鬪草尋芳到晚時。漫說浮花逐流水。此

中多少女貞枝。吾鄉舒蘇橋觀祭之妾王氏殉夫死石蘭泉通判之妻王氏夫死年尚少卒苦節以

終皆勝芳人也

睡起

拋書夢醒日初斜。起熱爐薪自瀹茶。獨坐一燈塵響寂秋

蟲如雨打窗紗

種竹

種竹頻年葉尚稀。今年栽趁雨霏霏。蕭疏月上虛窗影帶

著。桐陰綠亦肥

老圃迢根并土遷也。隨花擔喚街前青銅五百枝。千个名

士從來直幾錢

幾日陰成綠滿墀。快看烟篠並風枝。分明一幅湖州畫。潑

墨淋瀝透雨時

夢返家園筍味香孤篷聽雨泊瀟湘怪來午睡清如許一
枕窗前竹影涼

曉汲泉澆葉上煙夜培膏壤護疏筠此君似感殷勤意齊
苗孫枝答主人

秋夜聽雨

竹陰濃處暑全澆奈此秋心轉寂寥一樣雨聲喧徹夜喜
聽荷響怕聽蕉

自掃案頭塵有觸

掃除一室當微倩倦起蹒跚繞屋行叢竹侵階添野趣老
槐入夜作秋聲狼星漸喜傳東落虎旅猶聞起北征老我
太倉慚果腹擁書終夕雜蟲鳴

隨筆

賦才奇麗冠嚴徐
論蜀文同諫蠹書
不是愛才逢狗監
憤
種黃酒老相如

元之風節動宸旒
豈但才名重竹樓
三入承明亦何慨
尚
容清嘯領黃州

讀半山詩集感賦。

苦無一壑能容足
愧說雙貂尙插頭
客自胸中富雲夢
世
疑皮裏著陽秋
雄雞斷尾文焉用
老鶴乘軒舞亦羞
獨詠
滄浪成水調
肯將涇渭混常流

夢中得句醒後足成之。

朔風吹面不知寒
神武歸來欲掛冠
乞與鑑湖風月好
九
峰長作畫圖看

讀宋史戲占

吳山立馬氣飛揚
北岸傳烽逼健康
不是書生能定變
農

炊早集玉麟堂

喜益吾至京夜飲有述。

遲君消息斷日夕苦相望世路且荆棘中原況虎狼
難任吾道去住自他鄉別後滄桑屢哀情未忍詳

頭白憐吾弟殘經一女傳門楣幸有託離別動經年垂死
思親痛全家哭婦賢髻時雪絮詠淒絕到吾前

西湖遊最好亂後見詩情軍饑山稀樹民亡土廢耕舊蹤
詢盡燬近事感難平廣武秋風歎多才獨步兵

董賈匡時出淵雲比麗多卽今快騰達將子慰蹉跎燒燭
照歡聚論文從放歌青雲慚倦羽棲託盼喬柯

因事書感

天門曉日御丹臺瀛海掄仙冠列曹不信仲翁書誤寫一
聲愁唱鬱輪袍

壯懷磊落注蟲魚。不管晨廚缺米蔬。贏得廿年飢餓力閉門。風雨靜攤書。

寺門訪舊證禪經。況味蕭然似野僧。一笑相逢各無語。半天風月下枯藤。

此錯。

不成仕宦不成歸。兔角龜毛計總違。詹尹豈因原改卜。侏儒讎愧朔長飢。風雲作態情懷幻。啼笑隨人面目非。此錯鑄成那用悔。誰教簪紱換羅衣。

歸計。

瓦注頻傾結古歡。空庭扶醉笑蹒跚。竹因冬暖回殘潤。菊爲遲開得久看。南望已聞師唱凱。西征新起將登壇。幾時乞買青山了。歸計容謀一釣竿。

橋山。

憶從

先皇侍玉除袖中白簡肅霜如祇知葵藿傾陽切誰料荆
榛滿路狙龍比固知非俊物皋夔終竟讀何書孤臣熱血
無從灑日望

橋山淚滿襟

終南

金羈白馬足風流幕府論功拜徹侯蟣蝨幾聞生甲冑紹
蟬真見出兜鍪汾陽避客防藍面江總登朝正黑頭一自
終南留捷徑笑他巖石枉精修

東曹薌谿侍御登庸

同依瀛閣作頑仙拂袖輸君特矯然名世文章傳白簡寄
情山水仿藍田北堂快侍宣文膳南浦新回范蠡船買酒
未妨長醉客黃花紫蟹不論錢

獨坐。

獨坐生靜趣。長貧消妄思。慰飢炊粥暖。耽寂上鐙遲。幼事
憶常樂。古書看轉疑。枯槁吾笑汝。抱甕亦非癡。

初衣。

適澗非無意。棲遲願總違。潛魚驚浪躍。倦鳥背雲飛。世道
存公論。虛名稔甌機。泪流清不滓。一爲浣初衣。

讀史雜書。

典午爭權自一家。中朝柱石隗張華。虛勞摸象三盲聚。況
更看山一指遮。往事幾煎曹植豆。危機防摘李賢瓜。咸陽
作事從來誤。玉几金牀總漫誇。

豈有奇材出鄧林。繞階葵麥舞春深。死崇生說謀交角。怨
李恩牛黨互侵風。捲烟霾徒作霧。日隨雲影漸移陰。雪兒
障後流餘響。莫信華鬢是妙音。

鼠穴旋開不可當口銜手握笑尋常。頗聞墨勅隆真拜，更
易黃繩作道裝。獨坐回天同臥虎，明星如月照貪狼。可憐
鐵禁煌煌在，鏤閣無人正典章。

睢麟家法重儀型，使者長秋肅內廷。辨色何曾亂朱碧，流
言休使誤丹青。五侯外姓希封爵，三日延英進講經。但得
溫申作朝輔，豈徒清瑟奏湘靈。

揚鞭大道氣熊熊，時命能爭蓋代功。告勅儘堪謀一醉，拍
張從可得三公。魚求何事誇緣木，鳥盡無人解惜弓。讀史
莫因千古誤，曾陪郭李笑談中。

從古天驕倚漢家，騶虞容易感蓬葭。飛船終得擒楊太，市
舶應防縱呂嘉。獨坐窮山甘養虎，強蟠上國敢鋤蛇。最憐
三百童男女，都付徐生海上槎。

萬人如海寄潛夫，坐上青蠅莫漫驅。那有阿膠止河濁，空

將阜茨滌塵污枉尋直尺都成古暮四朝三肯笑迂欲策
治安先痛哭賈生應自悔疏愚

題顧祠修禊圖

百年老屋存無幾杜陵千間竟誰比寓公遠游亭林生古
瓦荒涼問遺趾先生故里江之東老來尋勝遊關中吾廬
誰愛陶彭澤舊廡曾依皋伯通此閒遊跡如過鳥豈有精
廬生帶草一龕香火祀先生好事轉愁吾輩少王君妙筆
同綱川剡藤三尺揮雲烟他時重訪龐公宅更作長安逸
事傳

三月十三日拜李文正公墓用覃溪梧門兩先生元
韻。

忠孝堂堂相業存鵲唳鷓鴣唱漫評論虛堂懷麓誰遺宅荒
冢尋碑尙此村調國苦心回社稷不祧文字卽兒孫幾多

石馬埋秋草寒食何人拜墓門

老輩風流作九原廢阡脩復傍雲根枌榆百代成鄉社碌
碕三家有舊邨宰樹儼森丞相柏虛名幾誤謝公墩荷花

重拜公生日

六月九日積水潭西薦一尊

過積水潭

孤塔出林莽空潭瀉石濤樹隨流水遠山入暮天高訪古
摩碑碣忘機玩桔槔近看垂釣叟欲語愧塵勞

望遠曲。

菖蒲花發鷓鴣啼陌上桑濃草沒隄何處江山行不得征
人已過玉關西

身客遼東夢故鄉依然樓外拂垂楊攀條記別無多日已
出樓頭爾許長

思益堂詩鈔卷五

長沙 周壽昌 白菴

喜雪。

一冬全放隔年晴千里焦原望麥生稍喜雪飛春未半定
知膏潤土堪耕三邊烽火驚消息九陌笙歌醉太平獨有
野夫慚結習孤鐙寒照讀書聲

久分

霜鬢簪花老自驚強攜鉛槧逐羣英月臨禁苑迷重霧風
渡神山阻大瀛久分拋掄勞路鬼肯同瓊璣感秋聲齒牙
零落成何用差兒孩兒笑倒絳

一昔

一昔狼星墜石城扶風惡耗使心驚虎牙未聽呼來欲憤
鼻翻令誤馬卿磨刃廿年胎馭水飲章萬口溢兔聲諸公

莫作元衡例斟酌崇祠與易名

病起。

藥味茶煙一室清拋書倦倚半牀橫夢醒獨笑發奇想病
起得閒遺世情冰瓦墮階鏗水骨雪枝打屋戛風聲故人
日夕感存問爲報今呼劉更生

戲書

誰薦雄文似長卿積薪無異古今情獨慚小吏排除目鳳
紙常簽第一名

奇鳥振湘水爲湘鄉烈婦謝彭氏作。

奇鳥振湘水矯翼凌冰霜寡亦非鸞鶴雙亦非鴛鴦兒生
出高門幼標女誠辭十歲見姆姥各各誇德儀十二嫻刺
繡十四工織機十五十六時四德靡背違十六四德全嫁
作謝門婦六禮備將迎長跪辭父母父母婉命兒女生性

靜專片言圭無玷寸跬履無愆望女作賢婦得此德性良
門楣各炫耀枝葉相對當桓桓驄馬門曾福賢御史乃祖
官邑令翁亦名進士雖然祿中衰寡母獨持門善事堂上
姑冬夏勉清溫佐爾夫壻讀膏火勵且勤入門拜姑嬾合
香相夫子阿姑信慈仁夫病淪肝髓失心更狂癡豈但昧
菽麥百罹女獨逢聞者爭太息太息亦何爲兒自命不辰
事姑與祖姑色笑叢苦辛辛兒忍辭色笑歡無尤調護
病郎體憔悴淹入秋頽雲沈月光狂風夜怒號鳴鳴產門
戶攪肉傾危巢森森玉植膚稜稜冰琢骨奮拒鴟駭逃投
死念姑哭畢命朱絲繩姑起抱女哀諷釋千百語聞語心
徘徊徘徊復踉蹌遄歸見耶娘兒身雖未死兒心早不生
耶娘大哀憐垂涕苦交勸病姑與癡郎女忍不綖綖兒起
拜父母此豈有異論平日訓女何乃爾不義言一死恨靡

極不死女更冤三月廿七日到今將浹旬霪雨黯縣縣山
谿漲渾渾河流聲湯湯村路泥鱗鱗鄉鄰絕行子城郭斷
去人信使迴遼闊未從訊根因距家九十里奚啻阻荒濱
忍死二十日奚啻踰百旬肺若沸湯煎心若烈火燔轉我
腹中腸三日始一餐結我手中巾血淚紅斑斑遠死兒豈
惜死卽何能明今得見親面死志豈再更彼狡正刑典雪
恨賴父兄取我嫁時衣檢我舊時裳明月瑋瑋釵珍珠耳
兩璫兄嫂弟妹姪姨媪姆姑姊分取作念遺一一相料理
初語意慘切語畢神揚揚重拜徧諸親徑去無卻行徑去
歸謁姑婦姑相持泣姑意婉轉憐女死何由急聞言女色
駭長號乞阿姑兒生出彭門長沙舊所廬我祖尙書郎我
父登賢書我兒繼鄉舉我弟被服儒我母尙書女女誠嚴
步趨十六適貴門事姑鮮闕失夫婿雖病癡下意奉巾櫛

尺圭語無疵寸履行無虧老父生亮直兒心忍愧之決絕
復決絕知女志不奪不得狡面質女豈瞑死目阿姑給狡
至繫縛狼與豺親戚雜還會阿兄亦前來女見狡憤激嚼
血齟嗥噪狡聞俛首伏一語敢抵排露筋與斷臂筭總耳
熟聞精金百鍊剛豈慮遭磨磷恨汝窮奇骨玷我同根源
欺我姑衰暮窺我夫胸顛不得刃彼狡慚負地與天不得
刃彼狡遺恨祖與先削割其腸胃磔裂其肢體庶幾萬分
一伸恨前我恥翦刀鋒雙雙七首銛剡剡剡面還刺膚手
刃意氣儼阿兄語急阻王章有歐刀于市眾其棄狡罪安
脫逃擲刀女三歎恨恨歸房中消湯具沐浴嚴妝正儀容
還我潔白體完我女兒身襯縫手紉結婢媪毋我塵蒸香
祀宗祖還拜兩姑氏遺言屬兄書寸箋血印指回頭拜兒
夫夫獨睜目視八載結恩義終死一語無薄命此焉極慟

哭長號呼玉一髮一縷聊用識區區玉以表貞白髮以達
鬱紆仰藥盡一杯杯碎擲階觸纖悉流仁慈恐貽後人毒
闔舍失聲哭女臥牀中心正首無敲枕覆足無斜衾容端
氣綿懨懨暮更及朝飲以菩提水嗽以王母桃越日日加
卯解脫神湛然登真返冲漠陋彼羽化仙歸獄惡自絞縲
首終冥誅愧爾執法吏強暴且失鋤濟濟閭里賢啟事陳
節使裁我李相國拜疏達

天子

天子詔曰可崇祠俾特祀椒馨衍來葉女重光惇史
大清同治朝八年歲己巳惟孟夏四月二十四日事老夫
職史臣詠歎長言攜轡軒諭來哲一字無虛誣

車中感寄硯樵。

才名早歲愧疏狂百計蹉跎鬢髮蒼霜落秋林同我瘦雲

歸遠。岫笑人忙。舊書屢讀添新悟。古墨濃磨出異香。人海
間尋仲舒。話腐儒結習未全忘。

雪霽後將移居依韻奉柬硯樵並懷蕪濤。

迷陽漫感陸通。任阿壁虛勞。問彼蒼見雪。那邀蟬共語。般
薑自笑。鼠徒忙留畦種菜。同花賞汲井烹茶。勝酒香尚有
坊南張祕監。一時蚤駟忍相忘。

題友人畫馬。

紫塞嘶風怨未歸。九衢何地騁龍媒。主人芻豆無多戀秋
老。空山苜蓿肥。

鹽車卅載役艱辛。得免鞭笞幸此身。愧說房星自天降。錦
鞵金勒是何人。

斫地悲歌漫爾哀。老餘健骨走塵埃。尋常莫望孫陽顧。只
辨驪黃牝牡來。

輓曾文正公。

衡嶽揚南起。驚聞半壁摧。中台圻星斗。上相掩風雷。徹樂
三天泣。停春萬戶哀。滔滔誰砥柱。東望總雲霾。

德望三朝重。高名冠列卿。夢爭韋楚傅。直諫魏元成。東閣
翹材盛。西園選韻賡。單寒最縈念。冠帶揖諸生。

血戰戡羣孽。牙兵集故鄉。武功出溫國。儒術得汾陽。選士
才無類。耽書貴不忘。義裁諸將相。藥籠舊儲藏。

結契布衣早。論文國士知。心交孤鮑叔。音賞絕鍾期。問疾
懷前歲。長悲竟此時。愛才尤腹痛。垂死尙書貽。

斗室。

蝮屈剛容斗室寬。焚香讀畫自盤桓。閒官少事便慵骨飽
食無營。愧素餐。頗慮椎埋潛輦轂。奈經兵燹困飢寒。年來
老眼。看人徧。各詡奇才薄。范韓。

太華衝雪圖爲硯樵賦。

叱馭全忘九折艱。雪花如絮滿秦關。健兒誰似書生壯。匹馬衝寒上華山。

感事。

素絲一泣漫生悲。歧路誰知更有歧。變入魚龍原太幻。謀成鵲蚌總空持。忘機早悟當頭棒。退步甘輸國手碁。莫笑巢由買山隱。初衣還想滌塵縑。

題唐六如畫韓熙載夜宴圖。

無復南山入壽杯。李花零落鼓聲催。乾坤如此堂餐愧。合向歌姬乞食來。

小病初起。

老懷漸與秋相似。每到秋來事事宜。且喜心閒諸病趣。閒思書誤助談資。淒淒風雨涼宵夢。淼淼江湖故國思。

夏閒
湖南

水車馬不來人事簡此情長憶在山時

病起自述示琬兒。

薄暖輕寒動早知
衰年始覺病難支
頰衰老子惟尋樂
門戶兒曹好自持

身披錦繡廟中犧
得壽終輸曳尾龜
從此養生無一二
訣萬緣不著是便宜

過許曉東觀察 光曜 話舊感賦。

二十年前燕市樓
與君同賦少年游
酒龍詩虎俱無敵
月地花天不放愁
頗悔豪狂累名字
幸無塵土拜公侯
於今老去都成憶
尚有雄心託蒯緱

書賈鳧西彈詞後 有序。

賈鳧西廿一史鼓兒詞一冊
早歲爲聶亦峰借去
未還頃聞益吾言
得此書擬卽借閱
鑑下憶及歷

三絕句

怒罵文章絕代才，雍門一曲不勝哀。
三絃彈徹明湖水，只當西台痛哭來。

身閱滄桑激楚音，別存懷抱古傷心。
蕭蕭易水無人問，披髮空山獨鼓琴。

衰音險語恣無稽，山鬼悲吟杜宇啼。
除卻老顛風景異，千秋誰識賈覺西。

再題鳧西詞後

有序。

初聞木皮散客爲前明遺臣入

本朝以舉義兵被殺，故謂其書爲離騷之遺。重其人，因重其書也。及讀孔云亭所爲傳，則此老故明部郎復仕我。

朝應入貳臣傳，以官小不列。是特一老亡賴善罵。

坐者敢於訐堯詆舜何足取哉燈下復得兩絕以
正前失

讀騷痛飲哭中流。睚殺音多氣不柔。一自琵琶彈別調。西
山薇蕨也應羞。

罵呵佛祖尋常事。只要乾坤立腳牢。爲見督郵翻束帶。始
知善詈是山羔。

閉門

閉門掃地靜焚香。胸次條然百慮忘。日經書貪默誦。故
人簡札喜重裝。佛言空判三千界。鬼笑羞營什一方。角逐
雲龍讓公等。短歌聊學楚人狂。

六十自述

蹴踏名場三十年。空餘舊物守青氈。宦游已累田園盡。亂
後欣逢骨肉全。封事早年慚汲直。才名幾輩擯盧前。耨耕

久合招同叔歸老湘西受一塵

細數行藏半屈伸。底煩詹尹策靈均。虛名倖獲終艱遇。奇病能逃敢怨貧。姓字悔曾通絳灌。戈矛真見出張陳。華資歷徧條冰冷。老作三朝侍從臣。

舊巢重埽計全疏。悔在羝藩失策初。赤壁歸來官內翰。忠州留住錄方書。問奇喜醉侯芭酒。叩疾爭邀賈相車。悄悄憂心還自恨。未令剗迹溷樵漁。

廿年墓祭廢松楸。南望蘆湖淚痛流。得壽更慚虛此世。立名何敢負前修。兒孫世守雞豚戒。君父恩難犬馬酬。只有編詩還自笑。又將甲子數從頭。

去秋菊花開並蒂。兩枝十月四日。次兒舉一雄五日。大兒在四川亦舉一雄。賦此誌喜。

瑞菊雙頭競吐英。果然連日試噓聲。少兒幸得諸孫補。兄

弟兩人僅千有兩
子今喜有四孫矣
多子強於上第榮門祚漸興貧亦樂
槩同號弟偕兄他年晚節香爭盛莫似衰翁負此生

煎藥戲仿劍南。

呼童烹藥注山泉小病能令百慮捐耳作蟬鳴生萬籟老
如蠶熟愛三眠殘書補字還重寫舊句搜亡每自箋獨坐
渾忘炎暑逼捲簾貪看夕陽天

書憤。

恨絕天驕路許通譎譎橫口鬪雞蟲鬼方豈待三年克
鼠終教五技窮喫菜事魔徒自眩伏階謁帝竟何功屠蛟
莫笑衰翁老射浪猶彎的博弓

睡起。

日長睡起嬾揩筇靜坐窗前竹影重多病名應呼百藥作
書頭似寫雙松層樓強試蹣跚足長劍雄揮磊落胸絲竹

怕聽杯漫舉茶煙經卷且從容

夜雨

一洗炎威快終宵雨勢騰驟聲喧急溜涼意黯孤燈歲稔
稀鳴鼓河安似束繩吾鄉聞旱甚尺澤望秋登

題楊仲驤觀察石屋歸畊圖

宦海抽身鳥倦飛肯將塵土污初衣西山山色青如舊不
爲尊鱸也合歸

歸裝應乏一囊錢負郭猶餘二頃田瓜架豆棚吟興屬被
人呼作地行仙

穎濱佳句寄巖阿難得借畊有老坡整頓乾坤付兒輩田

間風月儘婆娑

謂令兄簡侯前輩暨令
姪子通哲嗣子和侍講

結廬我亦楚峰頭讀畫看山觸舊游何日投竿賦歸去洞

庭南下泛扁舟

過蘆溝橋。

二十年前策馬游，橋頭貰酒典貂裘。祇今曉月窺人在，又被西風笑白頭。

恭謁

西陵侍班禮成恭紀。

橋山西祀

詔親臨雙奉

慈輿發

德音帟幄無華同白屋

展楹題句盡丹箴，感濡雨露嚴春薦。泣拜松楸溼

御襟翹望

六陵神衛肅，虎龍蟠踞極蒼森

南苑侍

獵恭紀

環衛周廬接禁垣六繡列仗到紅門羽林先日清馳道萬
騎無聲擁

至尊

行宮規制仿西湖水木清華異上都二十四園何處覓環
山蒼翠萬千株

射生十五選奇材行帳都環

玉幄開日卷黃旗天尺五侍臣先集瞭鷹臺

白旆黃旗列兩行

圍場兩哨前隊白旗兩協黃旗中軍用
鑲黃旗餘五旗以次列左右不敢先池

馳將鹿兔與黃羊彎弓射獻邀

宸賞第一擒生蒙古王

虎賁角射競穿楊鹿母隨兒吮箭傷自是

聖心憐骸棘卽時傳詔徹圍場

團河九十四成川二十三疏一畝泉海戶賜居千六百畝
分廿四仿營田

我

朝弓矢重幾餘秋狩春蒐仰屬車奮武功成廛
聖慮不煩諫獵用相如

飛放泊中秋草鮮老兵望幸倍懽然自從
宣廟回鑾後不見

天戈 迎卅年

南海子侍

獵夜約友人茶話於野屋。

矮屋泥塗壁荒廚豆黠煙風催鷹吭急沙印馬蹏圓仄徑
坡三折空腔樹百年繫弓招夜話烹茗試山泉

石門驛曉發

嚴裝策馬冒霜征，劊石成蹊似砥平。日冷飛沙迷曉色，風高殘角起邊聲。野溪橋斷扶牛過，荒磧人孤避隼行。複沓層峰天外矗，東來拱衛壯神京。

前院構屋兩間，請張二谷家季仁及韓旭東父子遷居於彼，戲柬一詩。

積雨經旬度日長，閒中得趣病全忘。此身自笑窮塞主，愛客眞成菜盞嘗。屋漏損書常護篋，夜眠溼被屢移牀。蝸廬新拓三弓地，移置琴尊好弄藏。

前作一昔詩，後晤勒少仲方琦同年知其說全誣也，作此解之。

人事百年眞始出，誰知定論死猶無。重臣已被元衡斲，謗語幾罹永叔誣。泣到遺民知惠政，薦從賢相識通儒。流言惑聽慚非智，況是千秋被史愚。

書事。

愁霖掩戶養微痾兀坐攤書少客過故里敢忘恭敬在諸
兒偏是謗傷多秋風既冷難回熱春水何干輒起波一笑
羣鴉亂嘯曉更無人語叩煙蘿

送椿孫上學口占示之

早年攜汝還京朝汝甫倚案爭低高今朝送汝拜師去長
身竟著翁衣袍衣袍美好亦何羨我富藏書汝應見漢宋
源流心判清古今成敗胸羅遍披覽既廣意自奇下筆定
有風雲馳汝視幼學歲加六立身豈肯甘兒嬉吾家科第
非希有亦望蜚騰振吾後汝能學行踰常流我日攤書開
笑口

自嘲

玉階賜騎謁

丹宸同榜承

恩恰五人

文相國毛阜兩尚書李制府及地山少空

獨有老身行步劣蹇驢衝

雪踏河濱

堂堂。

堂堂老子白髭鬚。一擲何心望得虛。偏有儒衡驚遽集。敢疑坡老出他途。羣聽吠犬迷聲影。晚逐歸鴉徧噪呼。極目天池讓鵬運。風塵勞爾費羅浮。

晴谿。

一絕蘿蕪夢晴谿。阻若耶相思透骨草。引恨斷腸花院靜。苔全漚樓低柳更遮。笑嗔都不著。隔坐已天涯。

秋晚。

打屋雨枝低。攪窗風葉響。暗碧出深叢。流螢自來往。

錢茶山先生山水

杏花菖葉破春寒扶杖攜尊興未闌可惜湘江好煙景卅
年祇向畫中看

空心。

飢附人時飽卽颺英雄早悟養鷹方順風迎拜同風怨更
莫空心種白楊

澹忘。

力遣牢愁付澹忘垂簾枯坐靜焚香官閒屢集惟書估老
倦常游是睡鄉室有吟聲貧亦樂秋多晴日晝仍長遺文
更欲傳宗武泣語諸孫好護藏

九月十八日奉

旨恭送

穆宗毅皇帝

孝哲毅皇后梓宮暫安於隆福寺途次恭紀二一律

牽車挽紉出

皇州

蘆殿遙看已淚流。杞國天傾難寫恨。薊門日暖不知秋。
承顏昨歲非行樂。

祭慕頻年豈燕游。舉日河山風景異。祇應白盡侍臣頭。
父老扶觀盡歎嗟。愁霾沿路捲風沙。

龍輻雙引黃雲蓋。蟬鬢齊簪白柰花。授受典原同帝學。贊
襄功轉溯神媯。疊經大事民安帖。想見深仁積

國家

桃花寺感賦

寺門秋老鎖蒼苔。淚盡元都舊日裁。記得前年隨豹尾。千
車萬騎賞花來。

春來花事許重妍。無復看花興似前。最是攀枝腸斷處。

神功聖德十三年。

燕郊道中書感。

陳跡條條認磨牛，心傷雲樹觸前游。
 一門羣從悲咸籍，晉家
 吾叔前歲以通永鎮總兵隨扈族弟鶴泉浙江壽昌半載
 縣令時候選在京亦隨叔在役中俱前後卒於任
 知交喪應劉張竹江侍御王蔭堂大理宋雪帆少司驟兩
 中途馳夏鎮殘陽古寺出燕邱，此行不盡存亡感豈但西
 河淚迸流。

山中訪舊。

層巖結茅茨是我故人宅，不知夜來雨但覺溪漲隔山轉
 路忽迷苔溼見行迹，采藥童未歸野鷗前導客。

題山家壁。

隔溪聞曉春到門，寂無語溼蘚綠侵階，松花落如雨。

謝程生寫像並以自漉。

丹青爾欲企韓曹毛髮吾尤媿鄂喪骨儉未煩金兩目賦
覺太神清還藉頰三毫鏡中自相心翻惑人外爭傳影莫
討語
逃一任繁霜滿鬢鬢據鞍嬰鑠尙能豪

卽事書感。

高秋月色吐光芒銀漢無聲露氣涼萬里河山清淨影竟
容蟾兔此中藏

偃師奇技眩生花種玉燒金巧莫加要識中原太平象土
中無寶祇桑麻

傷心雜詠 有序

昔庾開府以兒女夭折作傷心之賦予自甲子還
朝逮今十載始天三男繼殤一稚次媳幼女亦從
夭折骨肉之慘難爲懷抱季夏廿七次兒淪蕃忽
以暴疾俄頃殂謝甌出慮表痛纏心骨哀傷之際

不已於言觸悲則發語無長次故係之雜詠云爾

鬢鬢凋殘心骨悲此身雖在命如絲一生俯仰無窮恨腸

斷年年六月時六月十六為先太夫人忌辰兒亡於初六號兒亡於二十七

幼時按劍遇庸奴苦把奇珍當礮硤不是而翁親拂拭早

應天折等童烏兒幼慧而儒家人莫知塾師某庸劣治之極嚴酷非理敲扑幾成殘廢摧折抑鬱吞

聲暗泣兒病且孱實胎於此子自北歸試以藝輒異常兒稍稍獎誘之並為悉力調治始得成人

一紀重游薊北雲亡兒喪女痛紛紛無多老淚流成血知

汝泉臺未必聞

無復中男在眼前揚臨川句云平生愛作團團語不得中男在眼前一腔懷抱向

誰傳風簫雨晦攤書坐獨對殘燈意黯然

六十衰年病莫支哭兒更得幾多時須知小別牽衣日淚

眼猶令望遠癡

一寸心酸一寸煎怕聽人語說團圓月明最是中秋好偏

願今符聽兩眼

佳節鄰家思不祥自指老淚暗回腸攤書讀畫平生癖到

此都成引恨方

庚歲頭瘍未易瘳兒心無刻不煩憂周防病起心尤密手

撫癢痕淚暗流

薄感風寒候偶違賴兒調護入幾微膝前摩撫牀邊侍終

夜何曾一解衣

秋風十載甫登科劉向周章籍並譌庚午兒舉京兆一劉

壽兒姓作劉報至憐汝藍衫拋利市看花偏染淚痕多

炊白無端夢影慢鼓盆歌出斷腸腔義言鑄石盟泉下報

汝終身不肯雙兒婦余頗賢孝兒伉儷故篤婦死不肯續

似續故逾年娶自鑄一印章云終身不雙以報泉下因

始置一妾翦韭烹葵抱古懷非關佞佛始清齋每思未死神先泣吟

到岐亭句最佳

子家世不殺生兒持戒尤謹近年更喜蔬食常云坡老未死神已泣五字吟之令人

然

刻意經營構鳳樓病餘肝腎苦雕鏤誰知嘔盡江郎血百

首新詩願未酬

兒於試律功最深近忽將舊藁焚棄欲製百首以示子姪甫及二十首遽以病亡

長編一代肆研求青史何曾見白頭幸託王郎同志在龍

門附傳或千秋

兒與其姊婿王益吾宮允合成續東華錄數百卷甫及成書將付剞劂而長逝者已

不及見矣悲夫

平時作計費疑猜每聽兒言意始開今日商量仍待汝錯

疑遠客未歸來

讀畫評書負特知最難弦外聽音時於今米老空成癖奇

賞何人繼虎兒

米南宮之子元暉號虎兒吾兒小名亦曰琥故借用之

斟酌寒暄衣早製測量旨否味先嘗十年養就癡頑福一

觸翻令斷寸腸

趨朝生恐漏聲差，獨坐挑鐙待阿爺。從此更籌誰代報，獨乘曉月赴東華。

棠棣花濃臘兩枝，燕雲巴水日相思。豈知竹報平安日，已

是鏡吹絕響時。

日前得玉兒巴州來書尚寄其弟者也

喪明一痛責西河，曾子何緣語太苛。無計塞悲翻借怒，須知良友苦心多。

禮堂寫定付兒傳，擬託閒雲養暮年。誰料白頭鐙下坐，替兒含淚訂遺編。

感念亡兒淪蕃一首並寄懷益吾一首俟益吾歸示

之同一哭也

時益吾典試江西

延之少與顏竣筆許國文，將蘇頌傳知己人間。惟父子一

鐙拋卷獨淒然。

韓子業惟習之繼，蘇公知以山谷深。若非流水高山調，負

御成連海上琴

銓下偶讀竹垞先生哭子詩感書其後

有子真如其命烏竹垞詩死憂翻作可憐蟲愁吟東郡趨

庭句同作西河痛哭翁天運豈惟彭澤悟賢愚肯信少陵

空一棺遙隔湖湘月未必泉臺有路通

倚闌

西風颯颯葉聲乾看劍長吟獨倚闌百歲死生違再計一

時歌哭總無端虛言晚節能嘗蔗切記當門莫種蘭爭得

澄瀾同古井隨緣到處此心安

忍淚

強制全家哭攤書淚暗吞最傷連夜夢忘是未招魂隔舍

疑披卷斜陽望倚門貽殃吾自恨何敢訴煩冤

猝折

狂風挾雨電奔馳。碎折瑤林第二枝。疾示維摩俄頃候。神
銷叔寶笑談時。有方濟世偏窮汝。未病防危媿習醫。枉作
哀猿腸寸斷。因循多誤悔何追。

彭殤。

極知浮世等彭殤。買酒中山醉百觴。一任離離髯可責。誰
憐種種髮難長。忘機海客安心法。忍辱仙人住世方便擬。
江湖縱聊浪。不徒魚樂悟濠梁。

不寐有述。

不到忘情不及情。天荒地老此心縈。中年已自傷哀樂。我
輩何能一死生。恨極月都成怨色。愁多風亦作悲聲。宵深
或有依依夢。無奈聽雞睡未成。

思益堂詩鈔卷六

長沙 周壽昌 自菴

吳貞女

森森金庭柏不作春花芳
矯矯女牀鸞不羨比翼翔
吳門有賢女世家稽山陽
少孤依阿母姆教夙所詳
含芬麗蘭蕙秉性貞雪霜
阿叔爲相攸才雋得劉郎
郎冠女甫笄百兩期迎將
誰知門祚衰不忱嗟吳蒼
似續鮮曩季徂逝連翁嫜
郎君鬱艱窘窳營倉皇旋遭二豎虐
催促歸北邙噩耗傳女耳
痛極迫自戕阿母苦相阻
謂女死未遑汝生嗣可續
汝死身誰當女聞義至重
忍痛稱未亡所苦身無歸
何門奉蒸嘗從母幸慈明
從弟亦慨慷云汝他何歸
仍歸侍阿娘苦樂相與共
生死無易方劉宗有義士
引女家成喪聖室爲青廬
匱主奉祠堂哀慘動閭里
涕泣環姬姜

世教久淪替生盟死則忘咄哉一弱女迺獨肩綱常二復
柏舟詩彤管生奇光異日韜軒采視此石室藏

卽事有悟。

遠游誰悟化直道自存身消息疑鄉里艱危念古人風塵
雲變幻水藉月精神但作鷗鵬運蒙莊亦未真

秋日獨坐懷益吾浙中。

得喪全無著翻欣物論齊霜清健籬菊晝寢警鄰雞遠憶
王褒節應過浙水西前書報途警歸騎慎山谿

舊是人文藪湖山氣不平願聞吳越士如頌李張聲益吾
典試
浙闈事畢計將還都聞浙士言及今科浙闈得士才美非
之盛不減於張香濤李若農兩君爲之喜而不寐
華國時艱忍務名知君極搜採結念在精誠

近事雜述。

風怒塵飛日影低閉門全似隔山谿時艱官散便慵拙年

老孫嬌笑啼。畫欣摹處合。舊殘書喜購。來齊復生
醜肉吾尤幸。擬待春游試馬蹏。

悲歌漆室豈無因。彈罷龜山聽最真。愛酒量嫌輸小戶。搆
巢產媿謝中人。刪餘詩卷容藏帚。用後人才歎積薪。炳燭
餘明還自惜。忍將榮悴鬪閒身。

靜悟。

靜悟浮生理。安身拙最便。清貧留祖澤。老健荷天憐。煮藥
茶稀飲。耽書夜失眠。氣機吾自適。何用覓蹄筌。

燈下校書畢卽書其後。

盡夜丹黃漏未終。壯懷猶作少年雄。書煩人寫慚麟士。詩
逐年增似放翁竹。徑有陰微翳月紙。窗無隙暗生風。文章
報。

國終何濟。便到淵雲未是工。

讀韓蘇年譜書後。

光儀長留萬丈雄。誰令磨竭坐星宮。窮求枉笑木居士。厮
踢偏遭鼈相公。嶽色寒瞻台斗北。江流聽逐海潮東。茫茫
人代今猶昔。老學庵中又此翁。

夜飲張叔平侍御宅歸書此代柬

新城詩老擅風流。池館荒涼二百秋。今夜醉吟張監宅。紫

藤花外月如鉤。

宅爲漁洋舊居所
植紫藤花尙在

海王邨畔地幽偏。我輩招尋笠屐便。最喜魚羹能解醉。不
須醒石漱平泉。

買宅於賈家胡衙卽酬叔平

斗室能容膝。棲遲歷歲時。鄰連太邱宅。

陳筱舫學士居左鄰

里湖侍

中祠。因樹微添屋。牽蘿更補籬。感深張祕監。代假草堂資。

題墨鳳圖爲陳筱舫前輩

王宰金壺擅寫生，墨卿紀瑞到焦明。
梳翎時立高岡上，曾奏朝陽第一聲。

黑水西翔傍翠巖，飽餐元露羽影彤。
陰更聽諸雛唱，任爾題門總不凡。

小病。

小病養迂拙，攤書長閉闔。
閒容諸僕懶，慈起幼孫頑。
冷趣入殘雪，夢游多故山。
無端不平感，鯨血劍花斑。

足病述苦。

平生李百藥，危病逐年嬰。
苦最今番毒，愁無片刻輕。
似囚虛夢赦，祈死愧無名。
異日容翔步，蹙然又此聲。

因病乞身感蒙 恩允。

未敢哀歌效楚狂，忽傷卻曲與迷陽。
寒深擬學蛇潛蟄，風勁甘隨鷁退翔。
翹乘已孤良友意，洞垣那覓越人方。
銷愁

欲貰中山酒一醉能教百慮忘

卅載名場歎觸籜寒灰忽遇惠風温時當暮齒遑奢望久
悉窮途易感恩文字慣流知己淚關山難返故人魂屋梁
月落頻添憾世外浮雲且漫論

六旬三次病成灾除死全邀造化培窘步幾曾趨捷徑弱
行何意上强臺子春瘳足憂難釋徽國酬醫句悔栽我視
古人難作役蹒跚敢便怨摧頽

四朝參養

主恩榮請馬猶全解組名疲馬轉思行地健棲鴉還爲戀
巢鳴放翁老學無官累鑿齒諸書到晚成只恨買山太無
具幾時湘上得歸耕

輓陳小舫內閣侍讀學士

東鄰驚說斛斯亡隔巷聞聲倍斷腸前捧一函猶問藥舊

無十日不升堂有兄同歲登瀛閣老我論心共雪霜蹇步
未能悲履外空餘一笛想山陽

陳羣禮法重門庭驄馬行馳萬眾聽巡歷三城清輦散歸
猶一疏答

朝廷平生師友敦風義家世科名見典型驥子兩雙孫百
捐高年況已過稀齡

早歲移家傍畫牆公同握手笑非常買鄰客記青楊巷埽
徑人尋綠野莊公室爲買師佃舊居每得奇書邀賞析間憂時事約

籌商阿瞞尚有喬公約車過他時痛未忘

貞疾常時索我醫奈綠我病負公期秋深尙訂消寒酒痴
嗜猶吟舊贈詩摩詰性能空五蘊廉頗衰久病三遺聞歸
兜率時先覺想見東坡定力持

戊寅元日。

天恩詔許乞閒身轉眼風光又一新
世外江湖容我嬾階前魚鳥向人親
昨宵雪冷融高樹九陌風和碾畫輪
藥物未拋容作健尚思卻杖走踈踈

感舊。

黃土春娥恨不平東施亡後也傾城
憑誰續撰妝樓記濫錫鶯鶯燕燕名

撥觸繁絃奏六么當時狎客盡魂銷
廣陵散絕琴絲斷爭聽王褒諠洞簫

拋卷。

藤牀拋卷日斜時睡味沈酣靜最宜
夢裏不知身病寤前行願僕屢瞋遲

易問齋司馬冊爲徐叔鴻賦

長安三十年故人如飄風一逝不可迹
幻質成虛空往往

文字問一二留其蹤吾友昔易老世居湘流東莖修網芷
蘭楚騷奕微衷孝廉官郎曹詩酒時過從青社旋把麾嘉
聲溢叟童一醉輕九列平生李元忠羞與老兵語投劾移
遠中斗大擁一州隼射環高墉萬詩付燹滅到死心餘恫
才得徐嘉按遺編殘叢兩賦存軼藁劍氣蟠心胸開冊
頻覽諷如邁當時容醉後發光怪捉筆馳蛟龍他日幸募
刊丁甲毋再逢

病起示客。

病起蹒跚曳杖行客來多恕廢將迎酒邊說劔心猶壯
鏗
下看書眼倍明露布西師新奏捷雨酣南畝快催耕殘年
飽飯吾心了更注天瓢淨洗兵

氣機一首示益吾。

病體應節候昔謂語不然一病周四序乃信真元詮人身

小天地涼煥隨化權當其壯盛始如日方中天赫烈消霧
冦豈受陰陽愆衰疾迭相攻元機乘其偏氣默相鼓盪每
當節氣先微或易寒暑重或致眩顛譬彼葭琯吹寒灰遂
潛扇亦若律隔生爲宮音轉還震兌洎離坎四氣尤昭宣
參以靈素旨直如鑿出鉛亢害承乃制五六凝坤乾貞下
元卽起剝極復始全六虛相周流橐籥交貫穿主宰且常
握性真毋雕鏹亭毒歸大造勿受氣播遷制治與保邦於
未危亂前節腹量所受謹身防所便貞固邪勿侵服餌嗤
求仙日與元氣游吾儕其慎旃

支各。

推
徘徊尤散甘居才不才詩媿未工窮自在愁
遠來每絲製藥微耽酒卻爲培花並護苔拔劍

鐙前

舞雄心自笑總難灰

書眠。

蹠蹠閒耽清晝眠。脫羈解紲中陶然。居安聊學踵以息神。
速那如心可憐。松老都緣磔硯壽。構庸且用輪囷全。意行
萬里身斗室。夢破九點齊州煙。

夜讀自嘲。

老抱遺經勝舊交。夜深起誦樂膠膠。鄉音間惹雛孫笑。
阿中生長京師斷句嘗從廢牘鈔。屬草斜疑鴉作陣。購書忙過燕
營巢。後人儻晒而翁拙。燈燼丹黃未忍拋。

悟徹。

果然萋楚樂無知。悟徹彭殤漫善悲。我輩正爲才所誤。餘
人肯信俗難醫。何因見木翻仇蟹。可奈焚桑早既龜。底用
雞蟲爭得失。漢家黃老是眞師。

瓶中芍藥盛開偶賦。

陳後山晚年芍藥詩云折來賸欲簪雙髻惜少人
間第一人陸放翁笑之有縱使傾城何與汝之句
爲作一絕解之

老去憐花倍有情一朝真見幾傾城芝蘭玉樹何關慮長
願庭階處處生

閒遣

栗里先生解組來龜堂老子乞祠回百年出處徒爲爾二
叟風流誰繼哉

賜告儘容鷗浩蕩營歸奈苦馬虺隤連宵夢逐蒲帆快只
傍湖湘淺水隈

好友多情數往還藤牀夷俟忽疏頑雨餘土漬苔花潤風
燥塵封硯篋閒蹇步空庭全倚杖閉居經歲未看山世間

萬恨銷除醉獨惜平生酒戶慳

病中讀莊子

椿菌誰分大小年。尋聲循跡總蹄筌。靜緣走者宜休影。痴笑蹇人思上天。一杖扶行如得友。半牀酣夢勝游仙。養生齊物紛箋釋。自起焚香手一編。

閒趣

默坐無營萬慮祛。閒心搜討徧蟲魚。難忘故友長吟句。有味兒時舊讀書。瓶插花分添水後。鑪焚香散卷簾初。西窗日影連朝度。戲印瓢痕驗疾舒。

獨坐戲仿皮陸體

已分懸車老清閒。福媿膺粟精餐。侍御水淨注中丞。伴侶攜邛杖。雲煙託剡藤。東南勝游地。歷歷記吾曾。

士風

東倒狂瀾百派翻。全憑砥柱制清奔。孟他但博卿曹拜。許

我何知宰相尊有利權奸陰受役無求氣骨困猶存士風
自古誇東漢有道遺碑少媿言

櫛後落髮盈把存者無幾矣。

疏比虛勞汝衰翁已禿然離離髯可摘種種髮誰憐秋草
難重茂春雲失舊妍白頭搔更媿竟合傍枯禪

已賦

已賦淵明歸去來移文無用北山催龍蛇隨分慚稱逸鷹
隼忘機定不猜捫腹儘容三五輩繞腸恨少百千杯幾時
策馬城東去更約荆高上吹臺

家人勸少作詩書此示之。

劔南詩萬首成在耄年餘老我愁耽病家人勸廢書蠶眠
絲更吐馬歇力翻舒白日堂堂去流光未忍虛

夜夢侍

先嚴慈側如兒時醒後泫然賦此

五月廿夜

差喜初衣蕩積塵，
滯留竟作繫匏身。

朝廷恩重容娛老，
祠墓年深媿託人。
夢裏依親千涕淚，
愁

中感舊百酸辛。
蘆雲湖月時縈念，
蘆塘月塘湖先大夫先太夫人安葬地

何日重尋故國春。

病起寄舍弟筱樓襄陽大兒潤蕃蜀中。

一十三年別緒殘，
春令原上羽毛寒。
遠書稍慰相思苦，
衰病真愁再見難。
舊約尙思同聽雨，
長貧原不爲休官。
但能十畝偕耕去，
定約君歸把釣竿。

名才雖自遜斜川，
作令猶追祖武賢。
蜀道官貧艱菽水，
越人方少病躄躄。
儻緣歲壯磨堅節，
奈值年荒少俸錢。
飲水讀書消永日，
貽函交慰轉歉然。

閉門稀復過高軒，
手檢經書日課孫。
家運小乖時刻責，
沈痾漸愈自溫存。
妻營鹽米無關慮，
僕懶馳驅慣恃恩。
但祝

年豐多飽食便應留客倒金尊

讀畫評書亦自豪丹鉛終夜手頻操清寒鍊骨詩兼瘦去
住紫心夢亦勞舉債營巢真失計辭官因病恥言高此中
久已灰同冷肯復因風作怒濤

飲酒雜詩

我生不善飲見酒心輒喜酒戶三數人視我頗知己人生
隔胸臆對面千萬里惟有醉後言謬誤亦至理當其飲極
暢天地歸尺咫幽闇靡不宣披豁傾底裏不聞羨門生能
勝劉伶死窮達況有命此酒未可止

趙括論兵事安石秉國鈞讀書豈不多卒誤國與身所用
非所宜徒效東施顰車戰與井田千古芻狗陳從來救時
策理勢擇所因食古未能化賊古遂賊民殺人止寸鐵豈
盡武庫珍時醫坐一庸其術乃斲人

平生不識鳳何者爲鳳聲一時天地間鳳凰鳴崢嶸歸且
與賀世豈不諧韶諛奈何繁響逐蝸蟻而沸羹聒耳至數
聽詎望朝陽賡百舌能待時睨睨音亦清楚國有大鳥三
年且不鳴

說食不得飽說衣不得暖春皇生萬物真意先自滿枯乃
雨以潤寒乃風以散至仁惟造化澤下不敢緩仁心徒胸
照義聲徒侃侃口惠實不逮愚者測其誕奈何夸毗子轉
移矜妙算截彼鶴脰長續此鳧足短

曬舊衣感賦

卅載綈袍檢尙存領襟雖破卻餘溫重縫不忍輕移垢上
青慈親舊綫痕

貧甚示家人

排比丹黃日未終打門債客轉環攻七書尙可投三篋健

筆安能鬪五窮歲儉每愁糧價貴客來多值酒樽空老妻
典珥能供饋故索新詩慰乃公

促織。

秋被汝催至空階無絕聲青絲織難斷白髮聽旋生缺月
照無寐涼風吹不平清吟答遙怨又逐雁南征

敬書先光祿公字冊後并憶先五叔父中憲公

先公生兒壯歲過愛同玉雪時撫摩幼不好弄解讀早抱
置膝上教吟哦獨苦羸疾困幾死歲無一月能安和疾貽
親憂重不孝似被天罰非人瘥諭兒少讀亦恐廢時與說
學資琢磨作文謂宜略識字六書五音祛滄謫鄭許絕學
唐宋韻懼涉淺俗防邪頗觸事引證述經史故實袞袞疏
江河到今白首矜博覽所得孰若當時多應試屬諸五叔
父受姪勝子不忍苛經義帖括字干祿一一指授工泐科

成名未得報萬一叔已厭世歸山阿搥膚誌痛心自苦徒
令老淚流滂沱兩公箸述不自惜散脫竊襲難披羅先公
餘此字數紙片羽詎足窺鵬鳴球圖聊用寶手澤子孫世
世勤護呵流血逆淚忍賦此後人不信徵此歌

扶杖行室中不能健步爲恨。

階頭跳舞羨童孩斗室閒行恨卻回截燧雄難學留贊忘
形機頗悟王駘薰鑪香燼惟聞藥小苑行稀漸長苔安得
仙人九節杖西山策健上崔嵬

驟雨。

頽雲低壓屋驟雨急翻江枯土脈全活炎天氣乍降
喧流浸瓦路阻石爲礙晚霽涼初定斜陽射小窗

讀書苦難用心飯後畫扇一兩枋遣日不欲與人人
或有索者亦不過恡也。

澆書一枕起長遲。長日如年歎坐馳。怯醉難從犀首飲。消閒聊作虎頭癡。雲煙藉滌塵氛雜。邱壑難追造化奇。適趣無勞議工拙。淵明琴與老坡碁。

近事書感

感舊懷知等露泡。古來幾見漆投膠。伏波敢受梁松拜。嚴武能容杜甫嘲。老拙言辭交漸遠。貧疏約束僕爭收。晚思未契從何託。已自甘爲無口匏。

飯後戲書

豆莢初肥蕪菜鮮。一盂白飯粥同煎。欣然一飽徐捫腹。愧媿何曾十萬錢。

消夏得詠項王小樂府體

騅兮嗟不逝。虞兮嘆若何。猶勝如意舞。悲入戚姬歌。慨贈故人頭。千金賞莫酬。誰知膾殘體。猶直五通侯。

最惜居鄴叟空謀殺漢王如何助楚虐三月火咸陽
子弟八千盡楚歌聲更哀便渡江東去安能捲土來

不寐

秋風吹雨夜生涼衰病無眠恨夜長一醉曹騰卻愁去醒
來無奈又思鄉

老桑行

庭前老桑樹植幹逾百年蟠根徧院宇拏蔭生雲煙春深
結桑葢纍纍盈萬千落實滿衢巷噪啄隨烏鳶厥味酸且
澁棘口空流涎兒童免攀折吾廬獲安便去年甚忽變味
飴極甘鮮屢被鄰婦打繞牆爭喧闐闐門或乞取異味翻
流傳吾因語老桑爲汝進韋絃物性貞其常毋爲世所牽
酸棗盛河內苦李繁道邊笥以苦成林檎以腫自全薑桂
性本辣到老無回旋奈何橘變枳方竹削使圓今春被蟲

孽葉蝕根幾穿此亦小戕賊其理應自悛何但灼老龜
斲卒貽烹煎豈眞世味趨汝亦不自堅葆爾冰霜質聊作匏
瓜懸莫貪眾口悅幸用全其天

急雨。

漫天急雨散雲頭階下水從階上流羅雀門知無客過牽
舟屋自笑家浮一簾含潤原宜夏三伏生涼已到秋泥潦
淹車容閉戶豐年飽食更何求

立秋日雨。

策步支筇杖無緣訪勝游擁書聊過夏聽雨遂穿秋俗謂
立秋
雨爲久病逾耽寂長貧嬾著愁溪藤三百幅日日寫林邱

隔鄰垂絲柳一株北地不常有蓋江南種也望之不
勝白門渡江之感。

絲絲垂柳拂江南乍可迎秋別緒酣未免有情誰遣此似

曾相識了在何處白木秀眉不成杜碧玉當年髮未鬢最好
莫愁湖上望柔條煙罨水拖藍

久雨思晴。

苦雨思成海晚晴秋更佳夕陽紅上樹溼蘚綠侵階傲積
衣常潤泥深轍欲埋閒居任頽放拄杖曳芒鞋

愁。

西風涼久不禁秋平子何堪賦四愁舉步棘荆生意外蹴
空山嶽起心頭文壇枉用誇飛將酒戶無緣號醉侯何術
更容天上寄已孤佳日作清游

作畫畢書此卻笑。

逢年樹笑無皮裹用唐戎昱語諸世花慚沒骨奇迂老高情誰

更賞多錢祇合買燕支

友人代鈔近詩畢賦謝。

卻病耽詩老倍勤。連宵傳錄謝知聞。古賢那更誇陽五後。
世豈終無子雲定。本漫思蕭寺貯沈碑。誰向峴山分自憐。
碌碌隨餘子。敢望騷壇樹一軍。

偶成

行藉雞孫當杖扶。倚嬌時捋白髭鬢。病常作畫強消倦。老
尙購書眞笑愚。仲實囊空魚莫買。翟公門寂雀誰驅。昨宵
夢拜先祠墓。手種喬松數百株。

示椿孫

病起秋深不覺寒。膝前護侍勸加餐。黑絲間出吾猶喜。白
日虛馳爾肯安。好聽書聲慰岑寂。莫憂文課累衰殘。遺經
插架思親授。捧硯他時淚漫彈。

有寄

浩浩天風蕩古愁。太清肯著片雲浮。任教蝙蝠笑梁燕。早

覺。鶴。猴。騎。土。牛。結。習。儘。容。鑽。故。紙。忘。機。誰。更。觸。虛。舟。枯。棹。
抱。甕。憑。君。辨。我。自。無。心。狎。海。鷗。

自造。

錚錚瓦釜盡雷鳴。休向西風訴不平。夢想谿山惟讀畫。折
除官職並無名。故人箋滿其家虛愛債。各爾催作怒聲漫更
輕。脩乞米帖便填溝壑亦以生杜詩虛名但蒙寒暄問愛不救溝壑辱

隨分。

雞蟲得失感無端。隨分齷齪心自閒。素米當從謝仁祖。因
人豈有梁伯鸞。窮途痛哭亦多事。荷鍤便埋真達觀。憐爾
蜉蝣羽楚楚。那知奇氣九霄干。

書蘇漢詩後。

昔讀杜老詩。始知白頭名。謂其詩置坐股。殷金石聲及後
誦。漢詩奇雋。竟若此。惜詩未盡傳。精光埋故紙。世爭呼曰

跖詩與名不磨竊乃稱文仲盜乃書荆軻折節知讀書交
 友悉名德奈何舉進士白頭乃作賊非但南塘出且弄潢
 池兵才俠失檢押身敗名亦傾始知狂憍氣終異良士貞
 不為周孝侯迺類施宜生

舍弟筱樓樊城書來並寄俸銀五十兩外以十兩給
 椿申兩孫。

一官聞尚託茅椽裴樊通籍無官署賃屋以居遠道書來累俸錢分果

已教歡稚子授衣大可壯寒天宛存共塾推梨愛苦憶聯
 牀聽雨眠莫學東坡晉江水能歸何暇計無田

秋來咄咄漫書空因病得閒成此翁鴻鴈信常傳北道芙
 蓉開不避西風高文豈解相如困痛哭難回阮籍窮共隱
 得同山大小引杯長笑謝天公

雜述

紅羊入劫記當年。灑水妖星貫斗。

蛇起平陸嶺。

羅兵仗雨。諸天黃巾有黨。橫江左右。

泣道邊。最是。

淮南丹。要。幾。多。雞。犬。盡。成。仙。

官軍斂退賊。縱橫激。巴。蜀。閩。子弟兵各聚。干。却。成。勁。旅。直。

教百戰讓。書生可。勸。尊。血。官。原。野。儘。有。容。身。冒。龍。榮。湘。卒。

暫休淮卒。起。報。計。爭。願。請。長。纓。

莫感升沈。擊。刺。維。功名。全。付。爛。羊。頭。結。銜。半。已。同。三。品。中。

正何從判。九。流。幾。處。芙蓉。歌。別。苑。誰。家。楊。柳。怨。登。樓。白。衣。

蒼狗須臾事。仰。視。浮。雲。此。更。浮。

易京空築。鐵。門。堅。兩。覆。雲。翻。只。倏。然。莫。笑。貪。狼。心。不。厭。可。

知。虓。虎。鬪。無。前。各。拌。九。死。營。巢。窟。誰。悟。三。時。變。海。田。最。概。

杜郵膺。賜。劔。山。邱。華。屋。儘。人。憐。

不比韓彭。績。未。酬。恣。睢。全。是。沐。冠。猴。更。聞。越。境。浮。湘。出。那。

許逃師駕海游。斬馬旋隨孤劍伏。賜牛漫飲上尊休。自從
三帥殉嚴典。士氣爭雄振戟矛。

薄海無風浪忽翻。市艘爭地約頰頰。讒人未殛中行說。黠
虜容逃吐谷渾。狼豕突焚多肆毒。鯨鯢育水豈知恩。銷兵
樽俎憑膚使。漫比驂鸞錄共論。

偶書。

心燈就菊看橫斜。枝不整小。婢夢初醒滿地拾花影。